



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

4. Columnæ Historicæ.

[urn:nbn:de:hbz:466:1-46065](#)

iterum, iterumq; repeto, Nemo hominū salvabitur nisi STYLITA. In nunc, & Simeonem Stylitam obstupesce, ac inimitabilem judica. Non muto sententiam: Nemo salvabitur, nisi sit Stylita. Explico & probo. Columna ædificii spiritualis, è quo migrandum ad Superos, est Fortitudo, Constantia, Perseverantia: in hac nisi zeam tuam locavetis, nisi cellulam tuam constitueris, nisi ex hac moriens emigraveris, nunquam, ita me Deus amet, & omnes Superi, beatitudinem consequeris. Nullus hactenus nisi ex Columnâ nominata cœlum petiit. Itaque præter Stylitas nemò saluus fuit. *Qui perseveraverit usque in finem hic saluus erit. Matthæi x.*

ARTICULUS V.

COLUMNÆ STEMMA TUM.

BINAS illas Columnas Domus Sapientiæ, Fortitudinem & Perseverantiam diligentius insipienti occurrunt animo, Columnæ, quæ solenterigi, ut in iis familiarum, vel Republicæ Stemmatæ appendantur, vel collocentur. Qui Venetas vel è longinquo salutarunt, ignorare non possunt, in capite fori, quod littus maris spectat ere casas è solidō marmore Phrygio duas Columnas altissimas, è mari venientibus nautis à longè conspicuas, in quarum una D. Marci Venetorum, nempe, Leonis alati Insignia inaurata visuntur: in altera D. Theodori statua similiter inaurata posita est. In ipso autem intercolumnio de noxiis condemnatis sumuntur supplicia. Ferunt allatas simul tres ejusdem magnitudinis navibus onerariis è Græcia, ante annos amplius, quam quadragesimos, earumq; unam vi ponderis, dum è navi-

navibus extraherentur in terram, ruptis architectorum instrumentis, in aquas decidisse, & in fundo adhuc conspici: alias duas ad caput fori Marciani modico intervallo erexit, ingenio Longobardi cuiusdam Architecti, validis rudentibus novis è sublimi demissis, & aqua made factis: qui dum sese contraherent, & pondus vi suâ sublevarent, alios siccios breviore semper spacio subjectos, & aquis item irrigatos fuisse, eoque modo paucis diebus opus continuando, moles illas extractas firmatas: que. Addunt, non aliud Architectum industriae premium postulasse à Repub. quām ut aleatoribus in eo intercolumnio ludendi impunè libertas semper esset. An verum sit ignoro: hoc constat, scholam nebūlonum aleatoriam sub iis Columnis assiduam & frequentem videri. Hæc παρεγγός hoc ego dicere volebam.

QUEMADMODUM in iis, similibusque Columnis Insignia visuntur gentis, aut Reipublicæ, ita totius Religionis Christianæ, in Columnis Fortitudinis & Perseverantiae esse conspicua. Quæ sunt Insignia? quæ stemmata? quæ tesseræ gentilitiæ Reipublicæ Christianæ. Us familiarum & urbium sumi solent à præclaris majorum ac fundatorū suorum facinoribus, in quibus & fortitudine maximè enituit; ita Ecclesia ab Heroum suorum generosis conflictibus, & Fortitudinis masculæ elegit quæ ostentaret: nimirum, Crucem, Gladium, Ignem, Cestram, Furcam, Laqueum, & similia sexcenta, quæ artificissimè in Columna utraque, Fortitudinis & Perseverantiae expressa sunt, & vim ad excitandum æmulandum affectum inspectantibus habent. Quæ dum perpendit offert se mihi alias Columnarum usus, qui dubiis illis nostris est valde conveniens.

(* *)

ARTI-